

ہاں دی سولی

تجمل کلیم



Imagitor

ہمارے دی سولی

تجمل کلیم



سبھے حق را کھویں

کتاب دانال	ہان دی سولی
صنف	شاعری (غزل)
شاعر	تجمل کلیم
سرورق	قمر الزمان
چھپن ورہا	پہلی وار 2012ء
مُل	300 روپے
تعداد	1000
مِل ورتن	چوک پیر جہانیاں چوئیاں، ضلع قصور
فون	0300-4254237
پرئنگ	فیض الاسلام پرنٹنگ پریس، 210-B، اقبال روڈ، راولپنڈی۔



پہلا پیر (The First Step) پبلی کیشنز
ہاؤس نمبر 44-A، گلی نمبر 61، سیکٹر 2-G-6/1، اسلام آباد
فون: 0302-8973527

عذرا
ضرغام حیدر
تے
رضاحسن
دے ناں

کمال کر دے او بادشاہو!

اک مشاعرے وچ تجمل کلیم دا کلام سن کے مینوں بڑی حیرت ہوئی سی تے
ہن اوہدیاں غزلاں پڑھ کے اوس حیرت وچ کئی گنا زیادہ اضافہ ہو گیا اے۔

کلیم اک اور یجنل (Original) شاعر اے۔ اوس دافن بڑا
Effortless اے۔ اوہدا کلام پڑھیے تے کسے اچھے تے بناوٹ دا کوئی اثریکا
محسوس نہیں ہوندا۔ انج لگدا اے پنجابی زبان دے محاورے، اکھان تے دانائی
بھریاں بولیاں بے ساختہ تے برجستہ طور تے شعر دی صورت اختیار کر گئیاں نیں۔

پنجابی زبان کلیم دی غزل وچ پورے فطری حسن نال ظاہر ہوئی
اے۔ کلیم ساہمنے دیاں گلاں انج کر دا اے کہ بندہ چونک کے رہ جاندا اے۔
اپنی رجائیت تے خوش بینی دے لحاظ نال وی اوہدی غزل بڑی جاندار اے۔
زندگی دیاں اوکڑاں نال اوہنے متکالا یا ہو یا اے۔

جدید پنجابی غزل گوئی وچ کلیم دی ہنرمندی تے مضمون آفرینی نوں
میں اوسے دے اک مصرعے نال داد دینا ضروری سمجھنا کہ:
کمال کروے اوبادشاہو!

اجو کے سہ وچ کلیم دی غزل اپنے سجرے تے انوکھے پن دے لحاظ
نال انج وکھری محسوس ہوندی اے جو یں:
گنجھی رہوے نہ ہیر ہزارو چوں

کلیم دی شاعری دے ایس مجموعے دی اشاعت اتے میں کلیم نوں تے
پنجابی شاعری دے شیدائیاں نوں وی مبارک دینا۔ ایس کتاب دے چھپن نال
پنجابی غزل بڑی ثروت مند ہوئی اے۔ سچی گل اے ایہو جہی کتاب کدی کدی
چھپدی اے۔

انور مسعود

اسلام آباد

051-4441524

0343-5050500



الحمد لانی میری

فیس بک
گروپ
کتابیں
پڑھیے

سید حسین احسن


فہرست

11	ملنے گلنے اودوں بعد وچھوڑے وی	1
13	بیہ تو یا اک برابر	2
15	اینارج کے تکیا بھکھاں مرگنیاں	3
17	مران توں ڈردے اوبادشاہو	4
19	کیہڑا ہتھ نہیں جردا میں	5
21	ایہ وی سچ اے دھرتی رکھنوں مٹھیاں بھریاں	6
23	ایہ نہ سمجھیں ٹھریا ہویاں	7
25	اوہنوں چیتے رکھیا بھلاں سکے پائیاں	8
27	صبراں دی رشنائی نال	9
29	کیہ کہواں چلی اے ہر سرکار میری دھون تے	10
31	گلمالیر ولیر بنائی پھرنا ایں	11
33	پھسیاں اُتے جال نہ سٹ	12
35	گودلوون نوں ولکی تھاں تے اج وی اے	13
37	غیر نوں آوند اکدے کسراں	14
39	اکھ دے اتھرو پی پتر	15

41	عشقتے سونہہ جے سُکھی ہووے	16
43	اکھاں لڑیاں ہندیاں نیں	17
45	دوہراں، کھیس، سرہانے ونڈ دی پھر دی سی	18
47	پانا گلماسین نہیں آیا	19
49	آوے نہ جے چھین تے دستوکیہ کریئے	20
51	نویکی جہی زمین جوگا	21
53	سونہہ میرا ایمان تے بن گئی	22
55	پلکاں گالی جاندا اے	23
57	سن لو عشق بیماری دا	24
59	رُوپ کوئی جاگیر نہیں ہندی	25
61	کچھ ایانے کچھ سیانے حرف نیں	26
63	گرمی، سیت اے وکھو وکھ	27
65	اک پاسا اے بھکھ مکان دی سولی تے	28
66	ڈُبیاں نبضاں تاروے	29
67	جوٹوں باقی چھڈی سی	30
69	جیون دی اک گوٹ دے پچھے	31
71	بٹے مڑ نیں پکتن والے	32
73	تلی دی اک اک لکیر دکھا اے	33
75	دل نوں سمجھان لئی دلا اے لئی	34
77	بُوہا گھٹ کے ڈھکا اے	35
79	جیون رُکھ نوں ہتھیں ننگے نہ مارو	36

81	دل دے پھٹ سیوں نہیں سکدا	37
83	مصرعے ہرے کیہ ہووے تیری زمین وچ	38
85	ایہ تیرا شک اے مینوں ہی اداواں مار دینا اے	39
87	فراک جھوٹھے پنج دے نال	40
89	ہارتے بس کمزوری دی اے	41
91	سوچ زمینے مصرع اگیا	42
93	اک دن ہرنا پینا اے	43
95	سُکی گلی، گلی سُکی ہووے گی	44
97	دودھاری تلوار اے بھاجی	45
99	جیہڑا میری تھوڑا اے بھاجی	46
101	اُٹھدا بہندا سوچ رہیا واں	47
103	دھرتی اک سراں نہ لگے	48
105	رشتے کچے ہندے نیں	49
107	راضی تن دی چولی وی	50
109	اک پتا ساوی نہیں پچدا	51
111	اکھراں دی تصویر بنا کے	52
113	مڑ آئے آں راہواں کٹ جو بلی گئی	53
114	پہلاں پہلاں شرماوے گا تھوڑا بہتا	54
115	سکھ منگوویں کدوں کو تیک لواں	55
117	سوہنے مکھ تے مصرع آ کھاں	56
119	گل دے منہ توں گل لاہ دتی	57

121	سُتے پھٹ جگائے تے	58
123	گورے وچ نہ کالے وچ	59
125	عزت دل نیں رو لی اے	60
127	انج جویں پُرکار نیں چکرتا اے	61
128	مصرع دکھتے رہن دے	62
129	لوڑ پئی تے ساہواں دے بل دتے	63
130	کَلّے تے بھاری اک بھارا کو	64
131	لنگھدا ٹپدا تک لیندا اے	65
133	نہ لے چین سزا دے بھا	66
134	پہلاں نالوں گھٹ نہیں لگا	67
135	نِکلیاں منہ چوں ہواواں موڑ دے	68
136	ہجر دا موہرا پی لینے آں ادھا ادھا کر کے	69
137	کوئی جیوندا ای نہیں بچیا کیہڑا مینوں دیکھے	70
138	سب دا نہیں اِکے دا سِکھ چلدا اے	71
139	اتھے چنگا اے تے کیہڑا	72
140	چھاں سوندی اے رکھ نہیں سوندے	73
141	مٹی وچ وی ہمت ڈھالی جاندی نہیں	74
143	سچ بچھوتے بھکھاں کنیاں بھکھ نہیں مردی	75
144	اندر اگ تے ولھیاں اکھاں	76




ملنے گلنے اودوں بعد وچھوڑے وی
عرشاں تے جو بن جاندے نیں جوڑے وی

بھورا نہیں احسان لیا میں جیون دا
جنے ساہ اوس دتے اونے موڑے وی

پہلاں جُتہ پھٹو پھٹ چا کردے نیں
مڑ کے پیریں آ پیندے نیں روڑے وی

مینوں ایویں آس دی سولی ٹنگیا سو
وعدہ کچا دھاگا اے تے توڑے وی

یار کلیما پیار نشہ جے کیتا ای
تگڑا ہو کے سہہ دُوری دے کوڑے وی




ٹبہ ٹویا اک برابر
کریاں ہويا اک برابر

قسمے سن کے نیندر اڈی
ستّاء، مویا اک برابر

ماڑے گھرنوں بوہا کاہدا
کھلا ڈھویا اک برابر

راتیں اکھ تے بڈل وے
چویا چویا اک برابر

یار کلیمّا جوگی اگے
سپ گڈویا اک برابر




اینا رنج کے تکیا بھکھاں مر گئیاں
اج اک صورت دیکھ کے اکھاں ٹھر گئیاں

جد اک سُفنا کچی نیندر توڑ گیا
کیہ دساں فر یاداں کیہڑی کر گئیاں

اینا خوف لُٹچن دا سی ذہناں وچ
پچھے آوندے ویرتوں بہناں ڈر گئیاں

سچے رشتے وی ہن کوڑے لگدے نیں
ماواں جو رُوڑی تے بچے دھر گئیاں

یار کلیمّا مڑ آیا تے انج لگا
جسراں دُبیاں ہویاں رقماں تر گئیاں




مرن توں ڈردے او بادشاہو
کمال کردے او بادشاہو

کسے نوں مارن دا سوچدے او
کسے تے مردے او بادشاہو

تُسیں نہ پاو دلاں تے لوٹی
تُسیں تے سَر دے او بادشاہو

ایہ میں کھڑاری کمال دا ہاں
کہ آپ ہردے او بادشاہو

کلیم لکھاں توں ہولے او ناں
تدے ای تردے او بادشاہو




کیہڑا ہتھ نہیں جردا میں
کیہڑی ساہ نہیں مردا میں

ہسن والی گل تے وی
ہس نہیں سکیا ڈردا میں

قسمت لٹن آئی سی
کردا تے کیہ کردا میں

سارے بھانڈے خالی نہیں
ہوکا وی نہیں بھر دا میں

خود مر یاں واں تیرے تے
تیتھوں نہیں ساں مردا میں



الحمد للہ

فیس بک

گروپ


کتابیں

پڑھیے

سید حسین احسن

Imagitor

Imagitor




ایہ وی سچّ اے دھرتی رُکھ نوں مُٹھیاں بھریاں
جمنوں پہلاں میں وی لکھ نوں مُٹھیاں بھریاں

خورے کیہڑے کیہڑے روگاں پیر پسارے
خورے کیہڑے کیہڑے دُکھ نوں مُٹھیاں بھریاں

چیتے کر کے اوہدے ہونٹھ گلاباں ورگے
کو سے ہنجواں پیلے ٹکھ نوں مُٹھیاں بھریاں

کئی واری مزدوری جد نہ موڈھے گھٹے
بھکھ نے مینوں تے میں بُھکھ نوں مٹھیاں بھریاں

جہندے دُکھڑے اج وی میرے گھرستے نیں
اوہنے بھریاں وی تے سُکھ نوں مٹھیاں بھریاں




ایہ نہ سمجھیں ٹھہریا ہویاں
جھٹ کو ستا مریا ہویاں

انج کرو دو نہراں کڈھو
اندروں اینا بھریا ہویاں

حصّے دے اک مرلے چھے
کاغذ پٹ لو، مریا ہویاں

سر اسمان آں چائی پھردا
اندروں بھاویں کھریا ہویاں

توں مرنا اے میرے ہتھوں
تیتھوں اپنا ڈریا ہویاں




اوہنوں چیتے رکھیا بُھلاں سُنے پائیاں
اج فیر اوہدی راہ تے نظراں سُنے پائیاں

پہلاں بہہ کے میٹاں اُتے رَج کے روئے
فر دُنا کے ہتھیں قبراء سُنے پائیاں

اوہدی وِچلی اگ دا کیہ اندازہ لاواں
ننگی تار تے جہنے دھیاں سُنے پائیاں

تیرے رُوپ دے سُورج پردہ پوشی کیتی
وسدے بدلاں تے میں اکھاں سکے پائیاں

کیہ دساں میں کنے مصرعے ہنجواں روہڑے
کیہ دساں میں کنیاں غزلاں سکے پائیاں



صبراں دی رُشنائی نال
روگ الیک صفائی نال

بالاں کافر ہو جاناں
میری نیک کمائی نال


چوراں ورگے اتھرو سی
نکلے انج صفائی نال

خلقت بولی ہندی گئی
میری حال وہائی نال

دیوے ورگا جیون وی
کٹیا رزق ہوائی نال

دکھ دے ڈنگوں پچیا واں
کوڑی اک دوائی نال

اک خدا وی ہندا اے
بھلیا! اک خدائی نال




کیہ کہواں چلی اے ہر سرکار میری دھون تے
سیراے جسراں قرضیاں دا بھار میری دھون تے

دل جدوں دُبا تے ساہ لینا وی اوکھا ہو گیا
اکھ پھیری سُو جویں تلوار میری دھون تے

دشمنی ساہ دی تے موتاں دی شروع توں پئے گئی
بے گناہ ای پھس گئی وچکار میری دھون تے

جیہڑے باہروں پھٹ ملے جُتے نوں میرے سر پئے
جیہڑا اندر مر گیا فنکار میری دھون تے

جاگیاں اکھیں دے فراک خواب بکھٹی پئے گیا
چور سینے تے، تے پہریدار میری دھون تے



گلیا لیر و لیر بنائی پھرنا ایں
کیہ اپنی تصویر بنائی پھرنا ایں


توں کیہ روپ نگر دا حاتم طائی ایں
سارا شہر فقیر بنائی پھرنا ایں

سچ پچھیں تے ایہ تیری کمزوری اے
توں جنہوں تقدیر بنائی پھرنا ایں

طوٹے کڈھی فال تے رولا پا دتا
ہتھ وچ آپ لکیر بنائی پھرنا ایں

اپنی بیڑی ہتھیں وٹے پالے ای
بے پیرے نوں پیر بنائی پھرنا ایں

تُکا ہووے ہاتے خورے لگ جاندا
بے تنگے نوں تیر بنائی پھرنا ایں




پھسیاں اُتے جال نہ سُٹ
گل سُن منہ تے وال نہ سُٹ

مویاں کنڈھے لگنا اے
کنڈی کنڈھے نال نہ سُٹ

چغلی سیہہ دا کنڈا اے
میرے گھار مکال نہ سُٹ

چاچا پگ نوں سرتے رکھ
دن دے پیریں سال نہ سٹ

اوہ دیوے گا ونڈن لئی
ہتھوں خالی تھال نہ سٹ




گودلوون نوں ولکی تھاں تے اج وی اے
مِسہٹر کاہدا میری ماں تے اج وی اے

پکّی گل اے سوہنی مُڑ کے جھی نہیں
لگیاں والے ہون جنھاں تے اج وی اے

پانی اپنے قدوں نیواں ہو یا اے
بوکے نال پرانی لاں تے اج وی اے

دکھری گل اے ہن توں اتھے رہناں ایں
دیکھ رقیبا بنے کاں تے اج وی اے

تیری مرضی توں سمجھیں یا نہ سمجھیں
میری ہر شے تیرے ناں تے اج وی اے




غیرنوں آوندا تکرے کسراں
راہ دریا سی ڈکدے کسراں

پانی وزگے ساہ دتے سو
پیون والے اکدے کسراں

بھکھے ستے بال وچارے
روڑ دھرے سی پکدے کسراں

سجّٰن بھيڑا کہہ نہ سکے
بھيڑا کہہ وی سکدے کسراں

راہ پیراں نوں مُٹھیاں بھریاں
فیر کلیما تھکدے کسراں



اکھ دے اتھرو پی پتر
تنگڑا ہو کے جی پتر

پیسے نہیں کچھ ویلا کڈھ
اک گل کرنی سی پتر


تیرا گھوڑا بن دا ساں
ایہ گل چیتے ای پتر

انج میں بھار آں تیرے تے
بات اے سوچن دی پتر

توں، تے آکھی بیٹھا ایں
ہور کیہ کہنا ای پتر

ماں بولی نہ بھل جاویں
پڑھ کے اے بی سی پتر

انج تے ساہ ساہ نعمت اے
وڈی نعمت، وھی پتر




عشقے سونہہ جے سُکھی ہووے
سُورج، سُورج مکھی ہووے

اک وی دسو رگیا ہویا
جہندی اکھ نہ بھکھی ہووے

دیویں تے عزت دی دیویں
تھندی نہ سہی، رُکھی ہووے

میں سمجھاں گا جنت پائی
میری دھی نہ دکھی ہووے

زندہ لاش اے یار کلیما
عورت جے بے لکھی ہووے



اکھاں لڑیاں ہندیاں نیں
کنڈیاں اڑیاں ہندیاں نیں


تکیاں ہاسا لگدا اے
لگیاں جھڑیاں ہندیاں نیں

غیر سڑے تے بن دا اے
راہواں سڑیاں ہندیاں نیں

دکھتے کل دے بچے نہیں
انگلاں پھڑیاں ہندیاں نہیں

خواب نہ آکھو، بھکھاں نہیں
اندر وڑیاں ہندیاں نہیں

عشق دا اِکو فیہ اے
گلاں بڑیاں ہندیاں نہیں




دوہراں، کھیس، سرہانے ونڈ دی پھردی سی
اوہ نیندر نوں کھانے ونڈ دی پھردی سی

کل تے شاہ وی دکھ چھپے نیں لوکاں دے
کل تے بھکھ وی دانے ونڈ دی پھردی سی

کافی ونڈ دا دھڑکو تے فر رہناں سی
رُت امرود جو کانے ونڈ دی پھردی سی

راتیں اوہ ہستیا تے کلیاں کھڑ پئیاں
فرتے رات مکھانے ونڈدی پھردی سی

سوچ کلیم دی ایسے جڑے تاڑی گئی
کملی حرف سیانے ونڈدی پھردی سی




پاٹا گلا سین نہیں آیا
اج میں اتھرو پین نہیں آیا

ربا کیہڑی غلطی ہوئی
بوہے تے مسکین نہیں آیا

جو کچھ اپنے بارے سُنیا
میتوں آپ یقین نہیں آیا

دُکھاں دی ہڑتال اے خورے
اج کوئی وی پین نہیں آیا

پہلی گل میں خود نہیں جمیا
دُجی گل میں جین نہیں آیا




آوے نہ جے چین تے دسٹو کیہ کریئے
اکھاں تڑلے لین تے دسٹو کیہ کریئے

اوہدی یاد دے چھالے جانوں پیارے نیں
کنڈے پیریں پین تے دسٹو کیہ کریئے

ہاسے وچ وی کاغذ کالے کر دیکھے
اکھر پاؤن وین تے دسٹو کیہ کریئے

جنہوں تکیاں جی کیتا سی جیون تے
مارن اوہدے نین تے دسّو کیہ کریئے

میں تے قسمے اکھاں راہ تے دھر آیاں
موت نہ آوے لین تے دسّو کیہ کریئے




نویکی جہی زمین جوگا
خیال اتھر اے پین جوگا

بڑا ای سُچّا اے پیار ماں دا
بُرا وی آکھے تے جین جوگا

ایہ روز سونا تے روز اُٹھنا
بڑا اے رب تے یقین جوگا

یا مال ہندا یا ڈھیر سجدے
تے میں نہ دُنیا نہ دین جوگا

کلیم دھرتی دے پاڑ ہے نہیں
یا اپنا گلما اے سین جوگا




سونہہ میرا ایمان تے بن گئی
بس فر میری جان تے بن گئی

ایدھر یار نے ونگ چھنکائی
اودھر پینگھ اسمان تے بن گئی

اودھا حور سراپا توبہ
بھلیاں دے ایمان تے بن گئی

پُتر چُکنا سوکھا نہیں ہے
سمجھو سونہہ قرآن تے بن گئی

میرے تے بنیاں نوں چھڈو
ویلے دے سلطان تے بن گئی



پیکاں گالی جاندا اے
اتھرو بالی جاندا اے


بچہ اے یا پاگل اے
دھوڑ اچھالی جاندا اے

نالو نال بہاراں نیں
جدھر مالی جاندا اے

شیر برابر جگرا سو
ویلا ٹالی جاندا اے

داتا تیرے کیا کہنے
اک سوالی جاندا اے

جیس کلیم بنایا سی
اوہو پالی جاندا اے



سن لو عشق بیماری دا
تاپ اے قسے واری دا

چھالے کسراں روون گے
اکھ اچ پندھ نہیں تاری دا

خورے کتھوں مُردے نیں
وَل سِکھیا اے تاری دا

کچے گھر نہیں لٹی دے
مویاں نوں نہیں ماری دا

جسہ ہندی اے بولن لئی
کم لیندے نیں آری دا

پیار خریدن آیا سی
منہ تے ویکھ بپاری دا

اتھرو پینے پیندے نیں
یا فر دل نہیں ہاری دا




رُوپ کوئی جاگیر نہیں ہندی
ہیر وی اک دن ہیر نہیں ہندی

شیشے ساہویں میں ہی ہناں
وچ میری تصویر نہیں ہندی

بندے نوں کچھ کر دیندی اے
دولت آپ امیر نہیں ہندی

شُکراے پاٹے جھگے وچ آں
اتھتھے تن تے لیر نہیں ہندی

بٹھو کون اے لٹن والا
جو وی اے، تقدیر نہیں ہندی



کچھ ایانے کچھ سیانے حرف نیں
کچھ نویں تے کچھ پرانے حرف نیں

اج ہو سکدا اے کوئی نہ بچے
دونہہ فریقاں نیں چلانے حرف نیں

توں کوں کہنا ایں توں وکیا نہیں
تیریاں لختاں چہ کانے حرف نیں

اوہ سی جیٹھری تیز جیہی اوہ سوچ سی
ایہ نیں جیہڑے منہ دھیانے، حرف نیں

شعر کیہ مصرع وی جے کر ڈولیا
سوہنیو حرفاں تے آنے حرف نیں



گر می، سیت اے وکھو وکھ
پاک پلٹ اے وکھو وکھ


مرنے پر نے سانجھے نیں
گھار مسیت اے وکھو وکھ

سانجھی بُر کی اپنی تھاں
پیار پریت اے وکھو وکھ

اکھ دی سُر اے اکو جیہی
دل دا گیت اے وکھو وکھ

ایویں دانہ سُٹ دے او
ساڈی ریت اے وکھو وکھ

اک کلیمّا کنج ہوئے
کول تویت اے وکھو وکھ




اک پاسا اے بھکھ مکان دی سُولی تے
دُجا پاسا بھکھ ہنڈان دی سُولی تے

سچّ پچھو تے اوہدے ہاسے ٹنگے نیں
پیار بھرے دو بول زبان دی سُولی تے

باقی ایویں چکر شکر ہندے نیں
اکھ تے لگدی اے انسان دی سُولی تے


سُورج ڈھال کے میرے سرتک لے آو
میںوں چاڑھو میرے ہان دی سُولی تے



دُبیَاں نبضاں تار دے
سینے لگ کے ٹھار دے

دو تلواراں والیا
اکھاں پھیرتے مار دے

سجّی ویری ہو گئے
ویری کیہڑی کار دے




جو تُوں باقی چھڈی سی
بوٹی نہیں سی ہڈی سی

توں تے اکھ نہ بھر سکیا
میں تے جھولی اڈی سی

بچہ کہہ کے ٹال گئے
گل تے میری وڈی سی

میرے چچے کیوں ایں توں
تیرے کول تے گڈی سی

میرے لیکھ دے دانے تے
چار چوہیرے کھڈی سی



جیون دی اک گوٹ دے پچھے
سو چیلّاں نیں بوٹ دے پچھے


عیباں وانگ لکائی پھرناں
بھکھے ڈھڈ نوں کوٹ دے پچھے

تک لے دوزخ بھوگ رہیا اے
سونا رتی کھوٹ دے پچھے

خُشیاں میتھوں آسے پاسے
نوٹ دے اگے نوٹ دے کچھے

تیری اکھ نہیں چٹیا مینوں
میرا ہتھ سی چوٹ دے کچھے

وڈا اک دماغ اے کوئی
نکے جھے اخروٹ دے کچھے




سُٹے مڑ نہیں پکّنے والے
لے آ راہواں ڈکّنے والے

اک دی گاؤڑ وِٹھاں پایاں
تیتھوں نہیں ساں آکّنے والے

بیر وی روون ہاکے ہوئے
رستے وی نہیں تھکّنے والے

تُوں جے کھُل نہ دِتی ہووے
گنّوں ہل نہ سکّن والے

فیر کلیمّا لبھیئے کدھروں
ویلے راہواں تکّن والے




تلی دی اک اک لکیر دکھ اے
جے سوچے تے فقیر دکھ اے

فضول نبضیاں نہ ٹوہ طیبیا
سمجھ لے رانجھاواں ہیر دکھ اے

ہزار خُشیاں ہنڈاؤ بھاویں
ایہ ساہ اے ایہدی اخیر دکھ اے

میں عشق سوہنی دا دیکھیا اے
غریب گھرنوں امیر دکھ اے

کلیم کنی کو دیر بچسیں
حیات پنچھی اے تیر دکھ اے




دل نوں سمجھان لئی دلا سے لئی
پیڑ منگی اے کھتے پاسے لئی

” کم ہتھاں دے آ گئی مٹی
جیہڑی گوئی گئی سی کا سے لئی

یار سونا ملے تے ایویں نہیں
روز وِکیا واں ماسے ماسے لئی

میری گلی خُشتی بچا رُبا
غیر جاندا سی اج پتا سے لئی

میں جے مروی گیا تے روویں نہ
میں تے بنیا واں تیرے ہا سے لئی



بوہا گھٹ کے ڈھکا اے
اندر کیہڑا لکا اے


سوہنی تر کے آونا سی
اکھ جنھاں وی سُکا اے

حوراں لے وی سکناواں
جوڑ بڑا بے تِکا اے

سُولی لبھدی پھر دی اے
اوہا پندھتے مُکا اے

جنہوں تیر بنایا سی
اوہو سینے ٹھکا اے

لیکاں کُٹّی جاندے او
سپتے جاوی چکا اے



جیون رُکھ نوں ہتھیں ٹکے نہ مارو
ساہ دے دانے چو پھکے نہ مارو

بال کھڈونے ویہندا اے تے کیہ ہو یا
آپے ٹر جاوے گا دھکے نہ مارو

حرصاں اگے موت دہایاں دیندی رہی
ریفل اگے ویر جے سکے، نہ مارو

جیت لینا تے کھونا اک برابر نہیں
دُکیاں نال تے ساڈے پکے نہ مارو

سارے یارِ کلیم جی لو بھی نہیں ہندے
دل نوں جنڈرے پکے پکے نہ مارو




دل دے پھٹ سیوں نہیں سکدا
رو سکنا واں گوں نہیں سکدا

اوہ کیڑے نوں تاں دیندا اے
کیڑا بھکھا سوں نہیں سکدا

اوہدے وچ کیہ نیکی پھٹنی
جیہڑا اکھ بھیوں نہیں سکدا

رَبّ ہونا کوئی سوکھا نہیں ہے
چاہوے وی تے سوں نہیں سکدا

میینوں کالا علم نہ سمجھیں
میں ٹھکنا اے بھوں نہیں سکدا




مصرعے ہرے کیہ ہووے تیری زمین وچ
سوچاں دی جے توں کھاد نہ کیری زمین وچ

بندے تے وی کرم دی نظر میرے مالکا
کیڑے تے لائی بیٹھے نہیں ڈھیری زمین وچ

آخر پہاڑ اڈنے نہیں قیامت نہیں آونا
گھلنی اے کوئی انج دی ہنیری زمین وچ

قبضہ اے وی میرا اے میری زمین تے
پکھیاں تے ڈھیر لگیاں نیں میری زمین وچ

بیٹھے نیں بال ساہمنے وٹیاں دے ڈھیر تے
فر وی کلیم لائی اے بیری زمین وچ




ایہ تیرا شک اے مینوں ہی اداواں مار دینا اے
محبت ہو گئی تے میں وی ساواں مار دینا اے

میں اج دارزق لے آواں میرے اج نوں دعا دیو
دیہاڑی دار نوں گھنیاں دعاواں مار دینا اے

میرے جیون دے دیوے نوں ہواواں زندگی دینی
تے ایہ وی سچ اے فراہنوں ہواواں مار دینا اے

ہمیشہ پیر تھکدے نیں کدی رستہ وی تھکیا اے
ایہ سڑکاں نہیں بلاواں نیں، بلاواں مار دینا اے

میں اپنا شعر اپنے دوستاں دے نال ٹوراں گا
ایہ میرا شعر دا یوسف بھراواں مار دینا اے




فراک جھوٹے تیج دے نال
کل نہ جوڑیں اج دے نال

میں سر چڑھ کے مرنا ایں
مرن تے دیو تیج دے نال

بھکھ موئے نوں کھپھن دے
ویج اک روٹی کج دے نال

ایہ تے داغ نیں لٹن دے
ایہ نہیں لہنے حج دے نال

پھانسی کہہ کے اٹھیا تے
سولی ٹر پئی حج دے نال




ہار تے بس کمزوری دی اے
دُنیا زورا زوری دی اے

دل نوں جندرے وچ ای رکھیں
اوہنوں عادت چوری دی اے

ویکھو اکھ نہ گونگی کرنا
گل ٹُرے تے ٹوری دی اے

تیرے مُشکی رنگ دی قسمے
کس کافر نوں گوری دی اے

جیہڑی واج نوں کن تر سے نیں
بانگ دی نہیں اوہ لوری دی اے



سوچ زمینے مصرع اگیا
انج کر کے سی مطلع اگیا

میں اک گھر دا دانہ سٹیا
اس دانے توں قصبہ اگیا

چھالے پانی دے دے موئے
تاں کدھرے اک رستہ اگیا


فیر حقیقت ننگی ہوئی
پردے تے جد پردہ اگیا

بیچی بھکھ تے صبر وی پھٹیا
اُنج پر جرم وی واہوا اگیا

کد سٹے تے اکھ سی میری
ویکھ رہیا ساں ورقہ اگیا

نہ کلی وچ دولت نی
نہ کنڈے تے چندرا اگیا

دوویں شکلاں بھوگ رہیاواں
بندہ جمیا، بندہ اگیا




اک دن ہرنا پینا اے
آخر مرنا پینا اے

ایہو سوچ کے ڈر جانا
میتوں ڈرنا پینا اے

مر جاواں کہ مار دیاں
کچھ تے کرنا پینا اے

اکھنوں کر بل والے دا
پانی بھرنا پینا اے

ہتھ قضا ای کھولے گی
مر کے ترنا پینا اے




سُکی گلی، گلی سُکی ہووے گی
ہن ایہ بولی اُکی مکی ہووے گی

جے ایہ سُرخنی چو نے کتھے والی نہیں
فیر ایہ تھک مزدور نین تھکی ہووے گی

میرے توں ہن ویلا ڈردا پھر دا اے
میرے قلم نین ریفل چکی ہووے گی

اوہنوں ووہٹی لکھیاں سوچ دے ویڑھے وچ
چاواں دی اک جنج تے ڈھکی ہووے گی

اپنی چھیتی موت نے کسراں لبھیا اے
بندے وچ ای کدھرے لگی ہووے گی




دو دھاری تلوار اے بھا جی
ویلا انج دا یار اے بھا جی

شرماں دی ہن کیہڑی دساں
روٹی پردہ دار اے بھا جی

دھوڑ تے ٹر کے خبراں ہوئیاں
ساڈا وی کوئی بھار اے بھا جی

چُپ نوں چُپ ای کوہ سکدی اے
ایہ ایسا ہتھیار اے بھا جی

نفرت دی سُولی نہ چاڑھو
میرا جُرم تے پیار اے بھا جی




جیہڑا میری تھوڑا اے بھا جی
اوہنوں میری لوڑا اے بھا جی

نُکھ سُو جسرال پھل گلابی
اکھ دارو دا توڑا اے بھا جی

مصرعے وچ اُس وال نچوڑے
مصرع آپ نچوڑا اے بھا جی

سَچّی روندی ویکھ کے رو پئی
کھٹی اکھ وچ روڑاے بھا جی

ہنجواں کس لئی اگاں لائیاں
پانی اک دا توڑاے بھا جی



اُٹھدا بہندا سوچ رہیا واں
کچھ نہیں کہندا سوچ رہیا واں

منہ بوہے نوں وجیا جندرا
کیوں نہیں لہندا سوچ رہیا واں


اپنے کچے کوٹھے وانگر
ڈگدا ڈھندا سوچ رہیا واں

ویلا میتھوں اگے کیوں اے

دھکے سہندا سوچ رہیا واں

چوکھا پیڈا کیتی بیٹھاں

باقی رہندا سوچ رہیا واں




دھرتی اک سراں نہ لگے
یا فر میرے ناں نہ لگے

حشر دیہاڑا سمجھو جتھے
سکی ماں وی ماں نہ لگے

پنڈا چھیتی مک جانا سی
سدھی راہ تے تاں نہ لگے

رَت جگر دی پی لیندا اے
کسراں شعر بلاں نہ لگے

چاواں دا اک محل اُساراں
دل جے بھاری تھاں نہ لگے




رشتے کچے ہندے نیں
جذبے سچے ہندے نیں

دھی پتر دا رولا چھڈ
بچے بچے ہندے نیں

میں ہی جھوٹھا پئے جانا
جھوٹ جو سچے ہندے نیں

اگاں کنج بجاواں گا
رو لے پچے ہندے نیں

دھوڑاں امبر چمن تے
عاشق نچے ہندے نیں




راضی تَن دی چولی وی
خوش کوکے دی کولی وی

وگدی راہ تے لُٹ دی اے
شکلوں رنج کے بھولی وی

نہ وِجّی تے پر تے گی
کالا علم اے گولی وی

انھی پرھیا سہہ لیندا
ایہ کیہ گونگی بولی وی

محل نوں اگاں لگیاں نیں
دیکھ کے میری کھولی وی




اک پتاسا وی نہیں پچدا
بھورا ہاسا وی نہیں پچدا

میںوں محل وی ہضم نہیں ہندے
پکھی واسا وی نہیں پچدا

جیہڑے دن توں نظراں لگیاں
سکھ تے ماسا وی نہیں پچدا

پانی نال جے یاری ہووے
نیواں پاسا وی نہیں چچدا

رڑھدے پنڈ نہیں ویکھے جاندے
بدل پیاسا وی نہیں چچدا



اکھراں دی تصویر بنا کے
ویکھ رہیا واں ہیر بنا کے

سدھراں تک جو بنھ لئیاں سو
قسماں نوں زنجیر بنا کے

وچلی اگ نوں وانہ دیویں
گلا لیر و لیر بنا کے

تینوں اپنی پئے جانی اوو
میںوں سدھا تیر بنا کے


ہمت کر کے ٹریا واں ناں
پرتاں گا تقدیر بنا کے

مُڑ آئے آں راہواں کٹ جو بلی گئی
جیہڑی اکھ وی راہوں پرتی گلی گئی

اوہدا رُوپ ای حدوں ودھ لٹیرا سی
ایویں نہیں سی لُٹی دل دی دلی گئی

میں تے لکھ کے سٹ دتا سی نہ آویں
پر دریاؤں پار نہ میتھوں ڈلی گئی

اک واری اُس بوہا آ کھڑکایا سی
دل دی کُنڈی عمراں تیکر ہلی گئی




پہلاں پہلاں شرماوے گا تھوڑا بہتا
سوہنا اے ناں تڑپاوے تھوڑا بہتا

اکھ روئی تے کیہ اے ویری ہسن گے
دل نوں وی تے چین آوے گا تھوڑا بہتا

اگلے پھٹ توں چار دناں دی مہلت لے لے
پہلا پھٹ وی بھر جاوے گا تھوڑا بہتا

بھکھی اکھ نوں روک لوو تے رب دی قسمے
بہتا تھوڑا ہو جاوے گا تھوڑا بہتا




سُکھ منگوویں کدوؤں کو تیک لوواں
دُکھ دُکھ نہ کرے تے چیک لوواں

ایویں صبر دے لفظوں تنگ بیٹھاں
سُکھ چاہواں تے متھے تے لیک لوواں

میری سوچ توں بھارا اے ایہ سودا
یار وچ کے مل شریک لوواں

تیرے جہے تے سو وی تھڑ جائیں
دل ہیرے دا مل جے ٹھیک لواں

کل ویکھی اے کنھے کلیم اتھے
اج کہویں تے تینوں اڈیک لواں




سوہنے مکھ تے مصرع آ کھاں
سانجھے دکھ تے مصرع آ کھاں

ساری خلقت مصرع جا پے
جے ہن لکھ تے مصرع آ کھاں

اوہو پچھے پئے جاندا اے
جیہڑے دکھ تے مصرع آ کھاں

میں تے صورت وی نہیں دیکھی
کسراں سُکھ تے مصرع آ کھاں

کوشش ہے بئی پیلی رُتے
ساوے رُکھ تے مصرع آ کھاں




گل دے منہ توں گل لاه دتی
میں حرفاں دی کھل لاه دتی

اپنا آپ تے کوہ ہی دتا
ویلے دی وی ول لاه دتی

موہڈے سوڑے پئے جانے جے!
جے ہالی نہیں ہل لاه دتی

ایہ مٹی دی کھج اے پیارے
جنھے واپس چھل لاه دتی

دکھ دی جنس نہ ونڈی ویراں
ساری میرے ول لاه دتی




سُستے پھٹ جگائے تے
سجّسن چیتے آئے تے

بس پرچھاواں بھیڑا اے
چنگے نیں ہمسائے تے

سپ آکھاں تے لڑدے نیں
بیٹھے نیں سرمائے تے

اگتیاں میں وی دے دتا
بھکھ نوں ڈھڈ کرائے تے

رُمتاں کھچ لیاواں گا
میں جے بوٹے لائے تے



گورے وچ نہ کالے وچ
رُوپ اے دیکھن والے وچ

جہندی راہ تے اکھ ہووے
سمجھو دل سُوتا لے وچ


ناڑاں جُٹا گھیر لیا
جسراں مکھی جالے وچ

ویلا بچہ ہندا سی

میرے عین سنبھالے وچ

یار کلیمّا ویری اے

ہن تے جت اے ٹالے وچ



عزت دل نین رولی اے
اکھ تے صرف وچولی اے

کیر لوکی وی رکھدے نین
اوہ وی ڈھڈ دی پولی اے


تیرے بھانے فوٹو اے
ساڈے لئی تے ڈولی اے

اک کڑی شہزادی اے

اک اوسے دی گولی اے

ایہدا حق اے میرے تے

میری ماں دی بولی اے



انج جویں پُرکار نین چکر دتا اے
ہر واری سرکار نین چکر دتا اے

بدلا جھلیاں وانگر روند پھرنا ایں
تینوں وی دلدار نین چکر دتا اے

جس وی لُٹیا سچّ بن کے لُٹیا اے
جَد وی دتا پیار نین چکر دتا اے

مرنوں بعد وی بندے جیندے رہندے نین
موتاں نوں فنکار نین چکر دتا اے




مصرع دکھتے رہن دے
باقی اکھتے رہن دے

مُنڈری کوکا وِچ لے
گل دی زکھتے رہن دے

قسمت ساڑن والیا
میرا لکھتے رہن دے

ہجرا گولی جوگیا
وکھو وکھتے رہن دے



لوڑ پئی تے ساہواں دے بل دتے

اساں کمیاں شاہواں دے بل دتے

کئی وار تے ہندیاں بھکھ جالی


نال ٹرے گواہواں دے بل دتے

اسیں شہر پناہواں دے ہیلکاں نیں

دل وچ پناہواں دے بل دتے

میںوں اودوں کلیم غریب لگا

جدوں چھالیاں راہواں دے بل دتے




گلے تے بھارسی اک بھار اکو
کدے اوہ یارسی اک یار اکو

کئی دل بہن وفا دا مقبرہ نیں
تے ہويا وارسی اک وار اکو

اوہ جتھے گھنگنیاں تے عید ہوئی
اوہ میرا گھارسی اک گھار اکو

میں تیتھوں جت کے تینوں ہار پایا
ایہ میری ہارسی اک ہار اکو



لنگھدا ٹپدا تگ لیندا اے
راہ کیہ ساہواں ڈک لیندا اے

دل لکھاں دا موہون خاطر
اوہ دمری دا سک لیندا اے

دھرتی کدھرے ڈب نہ جاوے
تاں اوہ بندے چک لیندا اے

ایڈا بے اتبارا ویلا
نگنوں ویتج کے نگ لیندا اے


اج کل اوہ شاہ زور کلیمّا
جیہڑا ویلا دھک لیندا اے

نہ لے چلین سزا دے بھا
توں مرضی دا لا دے بھا

کلی ساہ نہیں بھردی ڈھڈ
آٹا کرو ہوا دے بھا

دے دتا اے میں وی دل
ساویوں ساویں بھا دے بھا

میں جاناں تے وگڑے سُکھ
توں اک وار دُعا دے بھا



پہلاں نالوں گھٹ نہیں لگا
پھٹ دے اُتے پھٹ نہیں لگا

آدم لاتوں وسدے آئے
اُجڑن لگیاں جھٹ نہیں لگا

اک ادھی فرمائش وی آوے
کیہ گل سانوں پٹ نہیں لگا

یار کلیم نوں جو وی آکھن
مینوں تے منہ پھٹ نہیں لگا

نِکلیاں منہ چوں ہواواں موڑ دے
میں جو منگیاں سی دعاواں موڑ دے


خوش نصیبی موڑ تک نہ پہنچیا
سو کو چکر لے بلاواں موڑ دے

پیار بدلے پیار دے نا سوہنیا
ڈھیر نہیں چجداتے ساواں موڑ دے

انج دے منصف ملے نیں قوم نوں
چور دیندے نیں نہ گاواں موڑ دے

ہجر دا موہرا پی لینے آں ادھا ادھا کر کے
اگلا جیون جی لینے آں ادھا ادھا کر کے


خورے کیہڑی تھوڑ نیں ساڈی سوچ چا ادھی کیتی
پورا حصّہ وی لینے آں ادھا ادھا کر کے



کوئی جیوندا ای نہیں بچیا کیہڑا مینوں دیکھے
میں ویڑھے نوں دیکھی جاواں ویڑھا مینوں دیکھے

سارے شہر دے ٹھڈیاں تے آں راہ دے روڑے وانگر
خورے انھا ہو جاندا اے جیہڑا مینوں دیکھے


اج اوہ ویلا سچن میتھوں پاسا وٹ کے لنگھیا
مر جاواں تے خورے کیہڑا کیہڑا مینوں دیکھے



سب دا نہیں اِکے دا سِکھ چلدا اے
ہر تھاں تے سِکے دا سِکھ چلدا اے

بُلّھاں تے سرخی دی چودھر ہندی اے
متھے تے ٹکے دا سِکھ چلدا اے

میری خالی جیب وی سمجھو بھاری اے
میرے توں نِکے دا سِکھ چلدا اے




اتھے چنگا اے تے کیہڑا
چنگے رنگا اے تے کیہڑا

چلو نابری ہزاراں
چٹا ننگا اے تے کیہڑا

اوہو فیدیاں دے رولے
ہور دنگا اے تے کیہڑا


ویلا دے گا کلیما
کیہڑا چنگا اے تے کیہڑا



چھاں سوندی اے رُکھ نہیں سوندے
اکھ لگدی اے دُکھ نہیں سوندے

ربّا تیرے چن دی قسّمے
راتیں پیلے مکھ نہیں سوندے

مصرع بھانویں پلنگ وی ہووے
ایس زمینے سکھ نہیں سوندے



مٹی ویج وی ہمت ڈھالی جاندی نہیں
کچھ وی کر لاں اکھ دی لالی جاندی نہیں

اج کل وی اک یاد سنبھالی پھرنا واں
اج کل تے اولاد سنبھالی جاندی نہیں

اتھرو نہیں پٹرول جہیا اے پلکاں تے
ڈر دے میتھوں تیلی بالی جاندی نہیں

جسھ ورگی کوئی ریفل ہے نہ ہووے گی
ایہدی اک وی گولی خالی جاندی نہیں

نیںدر گھیر لیا تے ڈگنا پینا ایں
آئی موت کلیما ٹالی جاندی نہیں

سچ پچھو تے بھکھاں کٹیاں بھکھ نہیں مردی
روٹی ہتھ تے لکھ کے چٹیاں بھکھ نہیں مردی

رجنا جے تے اپنی راہ دے کنڈے چکو
دُجیاں اگے ٹوئے کھٹیاں بھکھ نہیں مردی

توں دسیں تے ویکھی جان نوں جی کر دا اے
تیرے ساہویں نیویں سٹیاں بھکھ نہیں مردی

اوہدے ڈھڈنوں کیہ بیماری اے کیہ جاناں
جہندی روز دے لکھاں وٹیاں بھکھ نہیں مردی

اندر اگ تے ولھیاں اکھاں
دُھج دُھج مویاں گلیاں اکھاں

دل پنچھی دا اللہ بلی
تاڑ لیا اے پلایاں اکھاں

سورج ڈھال کے میرے سر تک لے آؤ
میںوں چاڑھو میرے ہاں دی سولی تے

